

## 開放文學 – 神鬼仙俠 – 咒棗記

### 第十一回 薩真人往酆都國 真人遍遊地府中

卻說酆都國乃是個鬼國，在地之盡處。薩真人是個生人，如何去得？蓋緣他遇了葛仙翁仙師，每日咒棗而食，既辟了其谷，身體輕便，履高山如平地，浮深水如陸路，故此去得酆都。真人要去酆都作甚？他原先未學道時，為猾吏而陷死人命，做庸醫而謀殺人命，未曾救度，心歉歉不安，故此要往酆都國裡救度那一干死人。真人既去到那個所在，只見陰風颯颯，黑霧漫漫。見一個小城廓內有一青臉鬼使喝道：「甚麼生人敢進此關？」真人道：「這叫甚關？」鬼使道：「不會起眼看看？」真人抬頭一看，上寫著「鬼門關」三個大字。真人道：「我雲游道人，要往酆都國一遊，鬼使可放我過去？」鬼使道：「你既是雲游道人，我不接過關錢罷。可過去，可過去。」真人遂進了鬼門關。鬼使卻見了王善形容古怪，手執鋼鞭，乃問道：「此何神道？不要來混擾我冥司。」真人道：「此吾部下一將。」鬼使道：「這不要夾帶奸細。」真人道：「不敢。」於是鬼使亦放王善過去。真人既過了鬼門關，行不數里，見一座樓台呵：巍峨高聳通雲漢，檻設一橫白玉段。獸鼎香雲襲御衣，絳紗燈火明宮扇。左邊猛烈擺牛頭，右畔崢嶸駱馬面。接亡送鬼轉金牌，引魄招魂垂素練。喚作冥司總會門，閻君住的森羅殿。

真人在外面左觀右看，時十代閻君正聚於殿上議事。是哪十代閻君？秦廣王、楚江王、宋帝王、伍官王、閻羅王、泰山王、平等主、都市王、卞城王、轉輪王。牛頭馬面一見了真人，乃稟於閻君說道：「森羅殿前有一個道人左顧右盼，卻又是個生人，更帶著一個神道，不知是哪裡來的？」秦廣王道：「此必蜀西河薩真人也。」宋帝王道：「尊王何以知之？」秦廣王道：「日前湖廣省城隍備述此人德行，此人佩參張天師符錄，奏名真人，法力高顯。當初燒了廣福廟，真神王善跟他一十二年，欲報前仇。見其並無過犯，因求著真人收錄為將，來此者必定是他，其神道乃王善也。」遂命判官崔玉問之。崔玉一見真人，乃相與稽了一個首，遂問道：「足下來此，願通姓名。」真人道：「吾姓薩名守堅，蜀西河人也。來此欲見閻君。」崔環道：「此位神道何人？」真人道：「吾部將王善。」判官道：「既如此，少待。」遂回復閻君說道：「所來者果薩真人也。」十代閻君遂命著判官請進。真人一至殿下，十代閻君群然降階迎接。真人與閻君相見禮畢，遂分賓主而坐。秦廣王問道：「真人來此，有何見教？」真人道：「吾父吾母死在冥司，今貧道來此欲求一會。」閻羅王道：「令尊令堂生前的素行無疚，今已轉輪於天堂國矣。」真人又道：「貧道五十年前不曾修行時節，曾為醫為吏，想不到為醫時誤投些藥餌，為吏時舞弄些刀筆，曾陷了幾人性命。今者特叩尊王，願施救拔，使這乾枉死之鬼不歸怨貧道。」閻君道：「這一干鬼而今倒不知轉輪出世也未？真人可自枉死城訪之。」真人道：「煩命一使引導何如？」秦廣王道：「吾今令判官同行。」於是真人辭別了閻君，下了森羅寶殿。此且不在話下。